

漳州府志卷之一

建置

昔晏子稱齊立國肇于爽鳩不忘本也漳自玉鈐建摩剪棘披榛以通上國風徽漸啓實斯郡所由昉也沿及近代幅員式廓星羅棊置屢增其舊蓋南紀運會彌趨于盛况重熙累洽生齒日蕃哀多益寡使地邑民居必參相得于此規經國之良謨焉作建置志第一

漳州府禹貢揚州之域周職方七閩地也

七閩賈疏云祝融之裔分據閩

地而秦并天下置閩中郡漢屬閩越

越王勾踐之後有日無諸者從諸侯

滅秦又佐漢滅楚高祖封為閩越王

武帝建元間又封無諸孫餘善為東

漳州府志

卷之一

建置

五十三

越王後數叛乃盡徙其民于江淮間虛其地入東漢為

會稽郡治縣地後又分屬南部都尉

閩越地既虛後有遁逃山谷者頗出

立為治縣屬會稽建武間分治地為東南二部而閩越屬南部

建安初以南部置侯官

等五縣而漳地屬侯官

即今福興泉漳四府之地

晉為晉安郡地宋

齊因之

吳永安三年析侯官縣置建安郡晉大康三年析建安郡置晉安郡

梁以來為南

安郡地

梁天監中析晉安郡置南安郡而漳地屬南安

大同四年始築龍溪

時有

九龍畫戲于北溪上因以名邑按九域志謂龍溪置于天監中此以嘉定志為據

陳隸閩州改

隸豐州

梁普通六年以晉安建安南安三郡俱屬東揚州陳永定初陞為閩州光大元年復陞為豐州

領南安

隋為建安郡四縣之一

隋開皇九年改豐州為泉州廢建安南安二郡

屬焉即今福州地改為建安郡領閩建安南安龍溪四大縣其縣皆併數縣龍溪併蘭水綏安入焉

唐初

隸嶺南道

武德元年改建安為建州五年析南安為州六年析閩縣為泉州置都督府領泉建

三州貞觀初廢豐州併入泉州隸江南道至是改隸廣州嶺南道

總章二年泉潮

間民苦蠻獠之亂僉乞鎮師以靖邊方廼以左玉鈐衛

翌府左郎將陳政統嶺南行軍總管事出鎮綏安儀鳳

二年政卒子元光代領其眾會廣寇陳謙等結連諸蠻

攻潮州守帥不能制元光以輕騎討平之開屯于漳水

之北

即今雲霄

且耕且守嗣聖三年元光請于泉潮間建一

州以抗嶺表朝廷以元光父子久牧茲土令其兼秩領

州并給告身即屯所建漳州郡並置漳浦縣屬焉漳為

州自此始開元四年徙治李澳川為今漳浦縣二十二

漳州府志

卷之一

建置

二

四百九十八

年改隸嶺南經畧使二十八年析置懷恩縣領縣二

懷恩

二十九年省懷恩入漳浦而以泉之龍溪來屬天寶

元年改州為漳浦郡還隸福建十年又改隸嶺南乾元

二年復為漳州上元二年還隸福建大歷十二年割汀

之龍巖縣來屬領縣三

漳浦龍溪龍巖

興元元年刺史柳少安

請徙州治于龍溪未報

少安以秋官員外郎刺州事精于地理嘗按部至龍溪謂別駕

陳謨曰此縣可建州治疏請未報後少安以天官郎中徵赴司勳

貞元二年攝州事陳

謨白觀察使盧碁以聞乃以龍溪為漳州治其李澳川

漳浦縣治如故光啓元年光州刺史王緒苦秦宗權誅

求南走閩攻陷汀漳二州緒暴眾囚緒推王潮為主克

泉州請命于福建觀察使陳巖巖以潮為其州刺史傳弟審知遂王閩中五世而滅五代南唐改漳州為南州時刺史董思安以其父名章請改漳州為南州晉開運中朱文進擅命以程贊為刺史衙將留從効殺贊據泉漳二州宋建隆三年留從効死陳洪進有其地始奉正朔留從効死子紹鑑與留務建隆二年吳越使至紹鑑夜召與宴牙將陳洪進稱紹鑑謀附吳越執送建康推副使張漢思為留後而自為副使既而幽漢思自領州事乾德四年復為漳州太平興國三年洪進納土屬威武軍五年以泉州之長泰縣來屬領縣四龍溪漳浦龍巖長泰雍熙二年屬福建路元至元十六年陞為漳州路隸福建行中書省領錄事司一縣如故至治中析龍溪漳

漳州府志

卷之一

建置

三

四百九十八

浦龍巖三縣地置南勝縣共領縣五龍溪漳浦龍巖長泰南勝至正

八年立漳州分元帥府十六年改南勝為南靖二十一

年以新翼萬戶羅良為福建行省叅政兼守漳州路二

十六年陳友定襲陷之明洪武元年兵取陳友定改為

漳州府隸福建承宣布政使司罷錄事司領縣仍舊城

內置漳州衛領左右中前後五千戶所後所後調南靖所邊海

置鎮海衛領左右中前後陸鰲懸鐘銅山八千戶所後所

後調龍巖所及置銅山水寨懸鐘灣成化三年析龍巖地置

漳平縣正德十四年析南靖漳浦地置平和縣嘉靖九

年析漳浦地置詔安縣九領縣八龍溪漳浦龍巖長泰南靖漳平平詔安

四十四年析龍巖地及割延平府大田永安二縣地置寧洋縣隆慶元年析龍溪漳浦地置海澄縣凡領縣十

龍溪漳浦龍巖長泰南靖漳平平和詔安海澄寧洋

國朝定鼎領縣如故惟漳州鎮海二衛及各所漸次裁革

就其地之近縣分屬焉雍正十二年總督郝玉麟酌核

海邊情形請陞龍巖縣為直隸州領漳平寧洋二縣從

之今屬郡之縣凡七云龍溪漳浦長泰南靖平和詔安海澄

龍溪縣本梁南安郡地大同中始析置龍溪為南安屬元

豐間王存脩九域志謂梁天監中置嘉定志又以西江

謂大同六年置去天監三十餘年今依嘉定志

一九龍畫戲故名江為九龍江縣曰龍溪縣陳光大間

漳州府志

屬豐州隋開皇九年屬泉州唐嗣聖十六年屬武榮州

州尋廢縣還屬泉州十七年復置武榮州縣仍屬焉景

雲二年改屬泉州按泉州舊稱閩州治三山即今福州府今泉州係開元間析南安置晉江

而泉州徙治焉開元二十九年始來屬漳州貞元二年徙州治

於此遂為附郭縣宋仍舊元至治中析七都置南靖縣

明隆慶元年復析五都置海澄縣

國朝因之

漳浦縣舊附郭縣也本古綏安縣地按吳永安三年析建

縣乃建州之綏安也惟潮陽志綏安晉安校鄉西偏置綏安唐嗣聖三年與

州並置初在梁山之下地名雲霄其南漳水出焉因名

卷之一

建置

漳浦開元四年州民余共納等以地多瘴請徙李澳川
縣治 詔從之去舊治八十里仍名漳浦二十八年析立

懷恩縣明年省懷恩縣入漳浦貞元二年徙州治于龍
溪始為支縣宋元明俱依舊屬漳州府明正德十四年

王守仁請割二三等都置平和縣嘉靖九年析二三四
五都置詔安縣隆慶間又析二十三都第九圖置海澄

縣

國朝因之而以鎮海衛

鎮海本漳浦二十三都地統九圖明初置衛遂為衛地隆慶間析第

九圖置海澄止八圖

國朝

之地仍屬焉雍正十一年

又割屬海澄

即二十三都八圖

十三年復割銅山

銅山本漳浦地明初置千

漳州府志

卷之一

建置

五

戶所屬鎮海衛 國朝順治間

屬詔安而南靖之居仁

里第一圖車田十五保及平和下林保以近浦治而歸

管轄焉

長泰縣本隋泉州南安縣武德鄉地也唐乾符三年邑長

張思進始置武德場以便輸納文德元年改為武勝又

改為武安南唐保泰元年陞為縣改名長泰宋太平興

國五年邑原任武勝場太使楊海等以縣去泉州三百

餘里期會徵輸不便乞舍遠就近改隸漳州泉守林金

吾以聞於是縣始屬于漳元明仍案舊

國朝因之

南靖縣本龍溪漳浦龍巖三縣地也元至治中以地險遠難控馭乃割置縣治在九圍礮山之東名曰南勝至元三年番寇李勝等作亂殺長史晏只哥時同知鄭晟府判喜春會萬戶張哇哇討之不利邑人陳君用襲殺勝乃徙治於小溪瑯山之陽至正十六年縣尹韓景晦以地僻多瘴又徙於雙溪之北改名南靖明因元舊正德十四年析清寧新安二里置平和縣嘉靖四十年饒賊陷城乃遷縣治於大帽山下萬歷二十三年復改還舊縣

國朝因之雍正十三年割居仁里第一圖車田十五保屬

漳州府志

卷之一

建置

六

二百八六

漳浦焉

平和縣本南靖縣治明正德間象湖等處作亂提督軍門王守仁發二省兵勦平之於是南靖儒學生員張浩然鄉老曾敦立等呈請設縣守仁奏請於河頭大洋陂地方開設縣治割南靖清寧新安二里地及漳浦二三都以畀之縣名平和

國朝因之雍正十三年割下林一保屬漳浦焉

詔安縣本漳浦縣南詔地

相傳唐時有南夷人過此云此地風景好似我南詔故以南詔

為名宋為臨水驛元至正間右丞羅良命屯官陳君用城

之明宏治間廣寇為患調漳州衛後所官軍置守禦千

戶所正德十四年設捕盜通判駐焉兼督平和饒平尋以不便廢嘉靖八年鄉民許仲遠等請設縣九年議析漳浦縣二三四五都爲縣名曰詔安

國朝因之雍正十三年復以漳浦之銅山隸焉

海澄縣本龍溪縣八九都地舊名月港明正德間土民私出海貨番誘寇禁之不止嘉靖九年巡撫胡璉議移巡海道鎮漳州于海滄置安邊館歲委通判一員駐守二十七年巡海道柯喬議設縣治於月港九都適地方稍寧暫停止三十年建靖海館以通判往來巡緝三十五年海寇謝老突至擄掠焚燬軍門阮鶚名居民築土堡

漳州府志

卷之一

建置

七

四百〇九

爲防禦計未幾倭入寇姦民乘機爲亂自號二十四將結巢盤

據徧掠人民四十二年巡撫譚綸始招撫之仍更靖海

館設海防同知於此四十三年巡海道周賢宣計擒巨

寇張維等正典刑地乃大定時聽選官李英陳鑾等在

京叩請設縣四十四年知府唐九德議割龍溪縣一都

至九都及二十八都之五圖并漳浦縣二十三都第九

圖地方湊入一縣錫名海澄

國朝因之雍正十一年以漳浦二十三都八圖卽鎮海廢衛地附

近歸屬焉

南澳廳唐以後入版圖建置無考明嘉靖末年許朝光等

據為巢穴勾寇內訌萬歷四年海防同知羅拱辰築城三座相聯絡調兵屯守後復設副總兵遂為重鎮明亡海寇又據之

國朝康熙元年陳豹降遷其民內附二十四年廈門總兵移鎮仍舊制分四澳雲澳青澳屬閩隆澳深澳屬粵雍正十年兩廣總督郝玉麟疏請設廳焉

附二廢衛

漳州衛唐時建置無攷宋本州置福建路鈐司總制一路軍馬其置於漳者以潮廣蠻獠出沒之處也元置新軍萬戶府至元九年改為宣慰司都元帥府明洪武

漳州府志

卷之一

建置

八

三百八十一

年置漳州衛領左右中前後五千戶所屬福建都指揮使司成化七年調鎮海衛後千戶所戍龍巖改屬漳州衛曰守禦龍巖中中千戶所以本衛有中所故曰中中以別之宏治十八年又調漳州衛後千戶所戍南詔曰南詔守禦千戶所仍屬本衛

國朝革去衛兵設衛官一員管理屯務至康熙七年一併裁去糧歸各縣龍溪屯糧歸漳州通判衛遂廢乾隆八年通判移駐石碼屯糧則歸龍溪云

鎮海衛明洪武二十年始置統左右中前後五千戶所及置六鰲銅山懸鐘三守禦千戶所為之屬成化七年

調後千戶所戍龍巖改屬漳州衛止存四所及陸鰲等
三所屬福建都指揮使司
國朝順治十八年遷界奉

旨裁去

前志論曰漳自我

朝定鼎十邑二衛大小相維順治末年鎮海草焉當海波
未靖鯨奔鼉突蹂躪居民

朝廷用權宜之計徙之內地以保完善良兼慎防接濟奸
宄非以其甌脫而去之也夫鎮海爲漳江門戶明嘉靖
季年倭寇內侵懼茲地鎖鑰海邦扼其歸路因而速遁

漳州府志

卷之一

建置

九

二百八十八

固居然一重鎮哉况山川雄秀人文蔚起保聚日隆苟
安不忘危仍復前制以存武備以振文教苞桑不固之
宏畧也因詳著鎮海舊事以附于建置之後云

按舊志原附廢衛二條而鎮海要地其于慎守鎖鑰
以固金湯尤三致意焉今海波不揚鯨鯢永息然述
往制以備參考作志乘者之責也故存之

漳州府志卷之一終